

IRIS (Include (Suav Sawv Daws), Respect (Sib Hwm), I Self-Direct (Kuv Taw Qhia Tus Kheej)) yog Wisconsin Medicaid lub khoos kas **kev saib xyuas kho mob ncuaj sij hawm ntev** rau cov neeg laus uas muaj hnuv nyoog thiab cov neeg laus xiam oob qhab.

Kev saib xyuas kho mob ncuaj sij hawm ntev—kev pab cuam los sis kev txhawb nqa uas tej zaum koj yuav tsum tau txais kev pab nrog cov hauj lwm uas ua txhua hnuv, xws li kev hnav khaub ncaws los sis kev da dej, vim yog muaj ib qho los sis ntau qhov ntawm cov nqe hauv qab no:

- Koj muaj kev xiam oob qhab.
- Koj muaj tus zwj ceeb mob uas zoo tsis tu qab uas mob ntev lawm.
- Koj muaj hnuv nyoog 65 xyoos los sis siab dua.

Lub hom phiaj ntawm IRIS

Lub hom phiaj ntawm IRIS yog los tso cai rau koj taw qhia txog koj cov kev pab cuam thiab cov kev pab txhawb nqa ntiag tug. Koj txiav txim siab hais txog koj lub neej thiab yam uas koj xav tau. IRIS saib kev txiav txim siab-ntawm tus kheej thiab kev taw qhia tus kheej, uas txhais tau tias koj yuav:

- Xaiv seb koj xav kom koj muaj feem cuam tshuam hauv koj lub zej zog ntau npaum li cas.
- Txiaiv txim siab seb koj xav ua koj lub neej li cas.
- Kawm paub txog txoj hau kev muab tswv yim txhawb nqa rau koj tus kheej.
- Tswj xyuas koj pob peev nyiaj ntiag tug txog cov kev pab cuam thiab cov kev pab txhawb nqa uas koj xav tau.
- Teeb tsa cov chaw muab kev pab cuam hauv cov hau kev uas txhim kho koj lub neej.
- Siv koj li Medicaid cov nyiaj pab yam muaj kev lav paub.

IRIS ua hauj lwm li cas

IRIS yog hais txog koj los xaiv thiab tswj xyuas cov kev pab cuam thiab cov kev pab txhawb nqa uas ua tau raws li koj cov kev xav tau thiab cov hom phiaj rau kev ua neej nyob txhua hnuv. Koj yuav tsis ua qhov no tag nrho los ntawm koj tus kheej. Koj yuav muaj **IRIS consultant agency (lub chaw hauj lwm pab tswv yim) (ICA)** thiab **fiscal employer agent (tus neeg sawv cev rau tus tswv hauj lwm fab nyiaj txiag) (FEA)** los pab koj ua ke mus. Nov yog yam koj tuaj yeem cia siab tau:

IRIS ib tus neeg pab sab laj tawm tswv yim uas pab txhawb nqa koj

Los ntawm koj li IRIS consultant agency (lub chaw hauj lwm pab tswv yim), koj yuav tau txais IRIS ib tus neeg pab sab laj tawm tswv yim uas yuav:

- Pab koj ua kom tiav kev tso npe.
- Muab kev kawm ntawv hais txog IRIS thiab cov cai uas koj yuav tsum tau ua raws thaum uas koj saib xyuas txog cov kev pab txhawb nqa ntawm tus kheej.

(Txuas ntxiv hauv phab 2)

- Xyuas kom paub tseeb hais tias koj ua tiav tag nrho cov ntaub ntawv.
- Ua hauj lwm nrog koj (thiab lwm tus neeg twg uas koj xaiv) txhawm rau los tsim thiab pom zoo txog koj li IRIS txoj phiaj xwm.
- Muab kev pab tsis tu ncuat tom qab koj tso npe lawm.

Txhawm rau kom muaj cai tsim nyog rau IRIS, koj yuav tsum nyob hauv qhov chaw uas teeb tseg tshwj xeeb. Cov qauv piv txwv muaj xws li koj lub tsev ntiag tug, nrog tsev neeg los sis phooj ywg nyob, hauv lub tsev saib xyuas neeg laus, los sis hauv lub tuam tsev muab kev saib xyuas kho mob rau pej xeem. Yog tias koj nyob rau hauv lub chaw saib xyuas tu neeg mob uas muaj kev paub zoo los sis lub chaw saib xyuas pej xeem uas nyob hauv zej zog, koj yuav tso npe tsis tau rau hauv IRIS.



Pob peev nyiaj thiab IRIS txoj phiaj xwm kho mob raws li koj cov kev xav tau

Yog tias koj tsim nyog tau kev pab thiab xaiv IRIS, koj thiab koj li IRIS tus neeg pab sab laj tawm tswv yim yuav sib tham txog koj **pob peev nyiaj uas kwv yeas cia**. Koj pob peev nyiaj yuav muaj cov nyiaj pab uas koj yuav siv los tsim koj li **IRIS txoj phiaj xwm kho mob**. Koj li IRIS txoj phiaj xwm kho mob teev txog koj cov hom phiaj thiab yam uas koj yuav tsum tau ua kom tau raws li qhov ntawd. Tsis tas li ntawd, nws kuj yuav muaj cov kev pab cuam thiab cov kev pab txhawb nqa uas koj yuav tau txais tam li yog ib feem nyob hauv IRIS thiab.

IRIS cov nyiaj pab muaj los rau cov kev pab cuam nyob hauv zej zog thiab hauv tsev. Cov kev pab cuam no yuav suav muaj kev thauj mus los, kev saib xyuas kho mob hauv tsev uas muaj kev txhawb nqa, kev cob qhia txog cov kev paub ua neej hauv txhua hnuv, cov pluas mov uas xa tuaj tom tsev, thiab ntau yam ntxiv. Koj yuav siv tau koj li Medicaid ForwardHealth daim npav

los them rau lwm cov khoom lag luam, cov kev pab txhawb nqa, thiab cov kev pab cuam qee yam tau.

Koj li IRIS pob peev nyiaj yuav tsis duav roos cov nqi ntawm tag nrho cov kev pab cuam uas koj xav tau. Yog tias qhov no ho tshwm sim, koj li IRIS tus neeg pab sab laj tawm tswv yim yuav muaj peev xwm los pab koj nrhiav lwm cov hauv kev los ua kom tau raws li koj cov kev xav tau. Tsis tas li ntawd, lawv kuj yuav ua hauj lwm nrog koj txhawm rau los thov kom muab koj pob peev nyiaj ntxiv kom ntau tuaj.

Ib lub hwm tsam yuav ntiav koj cov neeg ua hauj lwm ntiag tug

Muaj cov kev xaiv txog qhov uas koj yuav tau txais cov neeg ua hauj lwm txhawm rau los muab cov kev pab cuam los ntawm IRIS li cas:


- **Koj tuaj yeem ua tau ib tug tswv hauj lwm.** Qhov no txhais tau tias koj nrhiav neeg ua hauj lwm, ntiav neeg ua hauj lwm, cob qhia, thiab tswj xyuas cov neeg ua hauj lwm uas koj ntiav tuaj ua no. Tam li yog ib tug tswv hauj lwm, koj yuav muaj lub luag hauj lwm txog kev pom zoo txog daim ntawv teev sijhawm ua hauj lwm thiab teeb cov nqi ua hauj lwm raws teev nyob raws li qee cov lus taw qhia, ua ke nrog rau lwm cov hauj lwm thiab. Cov neeg ua hauj lwm uas koj ntiav tuaj yuav yog tus tswv cuab hauv tsev neeg los sis tus phooj ywg, los sis lwm tus neeg uas tsim nyog pab tau. Tag nrho cov neeg ua hauj lwm yuav tsim nyog muaj kev kuaj xyuas keeb kwv yav dhau los thiab tau txais kev pom zoo ua ntej lawv yuav tau txais kev them nyiaj los muab cov kev pab cuam rau koj tau.
- **Koj yuav ua hauj lwm tau nrog lub chaw ua hauj lwm.** Qhov no txhais hais tias yog koj ua hauj lwm nrog lub chaw ua hauj lwm uas muaj kev tswj xyuas txog kev tswj cov neeg ua hauj lwm uas muab cov kev pab cuam rau koj ntawd.

Yog tias koj ntsib txoj kev nyuaj uas yuav los nrhiav cov neeg ua hauj lwm los sis cov chaw ua hauj lwm, koj li IRIS tus neeg pab sab laj tawm tswv yim yuav qhia tau txog cov chaw muab kev pab cuam thiab cov kws muab kev pab cuam kho mob uas yuav pab tau zoo.

Ib fiscal employer agent (tus neeg sawv cev rau tus tswv hauj lwm fab nyiaj txiag) (FEA) txhawm rau los pab saib xyuas txog cov kev them nqi

Tag nrho cov neeg ua hauj lwm uas koj ntiav tuaj thiab cov chaw ua hauj lwm uas koj cog lus nrog yuav tau txais kev them nyiaj los ntawm lub chaw ua hauj lwm uas hu tias FEA. Koj yuav xaiv lub chaw ua hauj lwm uas koj xav ua hauj lwm nrog thaum koj tso npe rau hauv IRIS lub khoos kas lawm.

(Txuas ntxiv hauv phab 3)



Koj tus FEA yuav:

- Ua cov kev kuaj xyuas keeb kwm dhau los txog cov neeg ua hauj lwm uas koj xav ntiav ntawd.
- Tswj xyuas tsoom fww teb chaws thiab xeev cov nqi se uas txiav tawm ntawm koj cov neeg ua hauj lwm cov tshev nyiaj hli.
- Ua kev them cov nyiaj hli thiab them cov ntawv sau nqi.
- Ua kev them tus nqi tus neeg mob yuav tau them uas koj tseem tshuav yuav them kom thiaj li tseem muaj cai tau txais kev pab rau Medicaid.

Cim Tseg: Koj tus FEA yuav muab tsis tau IRIS cov kev pab cuam rau koj los ntawm koj txoj phiaj xwm muab kev pab cuam. Piv txwv li, koj tus FEA yuav muab tsis tau kev saib xyuas kho mob rau tus kheej rau koj los sis tswj xyuas koj cov neeg ua hauj lwm rau koj tau. Cov kev pab cuam yuav tsum muab tuaj ntawm ib tug neeg twg uas tsis yog koj tus FEA.

Txoj kev xaiv kom tau txais kev saib xyuas kho mob rau tus kheej uas taw qhia tus kheej

Yog tias koj xav tau kev pab nrog cov hauj lwm kev saib xyuas kho mob rau tus kheej (xws li kev da dej, kev mus siv chav da dej, kev hnav khaub ncaws, los sis kev noj mov), tej zaum koj yuav tsim nyog tau kev taw qhia ntawm tus kheej uas muab tau kev saib xyuas kho mob. Qhov kev xaiv no hu ua **IRIS self-directed personal care (kev saib xyuas kho mob rau tus kheej uas taw qhia tus kheej) (SDPC)**. Nws yog ib hom kev pab cuam uas nws yog nws ib qho uas lub khoos kas muab ntxiv rau lwm cov kev pab cuam uas koj tau txais los ntawm IRIS.

Koj tus kws kho mob yuav tsum tso cai txog qhov kev xav tau kom tau cov kev pab cuam no. Nrog IRIS li kev saib xyuas kho mob rau tus kheej uas taw qhia tus kheej, koj xaiv tau tus neeg yuav muab kev saib xyuas kho mob rau koj tau. Nws tuaj yeem yog tus tswv cuab hauv tsev neeg los sis tus phooj ywg. Tsis tas li ntawd, koj kuj yuav tau txais ib tus kws tu mob uas tau rau npe cia lawm uas tuaj kuaj xyuas ua kom paub tseeb tias qhov kev saib xyuas kho mob uas koj tab tom tau txais yog qhov tsim nyog lawm.

Nrog koj li IRIS tus neeg pab sab laj tawm tswv yim sib tham yog tias koj muaj lus nug hais txog IRIS qhov kev saib xyuas kho mob rau tus kheej uas taw qhia tus kheej.

Cim Tseg:

Lub peev xwm yuav hloov pauv koj li IRIS consultant agency (lub chaw hauj lwm pab tswv yim)

Koj yuav hloov pauv tau koj li IRIS consultant agency (lub chaw hauj lwm pab tswv yim) los sis tus FEA los ntawm kev tham nrog koj aging and disability resource center (lub chaw muab peev txheej kev pab rau neeg laus thiab neeg xiam oob qhab) (ADRC) los sis aging and disability resource specialist (tus kws kho mob tshwj xeeb muab peev txheej kev pab rau neeg laus thiab neeg xiam oob qhab) (ADRS) ntawm haiv neeg tsaug. Lawv yuav qhia rau koj paub seb cov chaw ua hauj lwm los sis cov neeg sawv cev twg yuav khoom los pab koj, hnuv tim uas koj yuav muaj peev xwm los hloov pauv tau, thiab cov ntau ntawv twg yuav ua kom tiav.

Qhov chaw yuav mus kawm paub ntau ntxiv hais txog IRIS

Txhawm rau kawm paub ntau ntxiv, thov mus saib hauv [Wisconsin Department of Health Services \(Lub Tuam Tsev Hauj Lwm Ntsig Txog Cov Kev Pab Cuam Rau Kev Noj Qab Haus Huv\) \(DHS\) lub vev xaib](https://www.wisconsin.gov/iris/index.htm) ([dhs.wisconsin.gov/iris/index.htm](https://www.wisconsin.gov/iris/index.htm)) los sis luam tus zauv QR.



Yog xav kom paub seb koj puas muaj cai tsim nyog tiv tauj:

- [Koj lub ADRC hauv cheeb tsam](https://www.wisconsin.gov/adrc/consumer/index.htm) ([dhs.wisconsin.gov/adrc/consumer/index.htm](https://www.wisconsin.gov/adrc/consumer/index.htm)).
- [Koj lub tribal ADRC](https://www.wisconsin.gov/adrc/consumer/tribes.htm) ([dhs.wisconsin.gov/adrc/consumer/tribes.htm](https://www.wisconsin.gov/adrc/consumer/tribes.htm)).
- DHSIRIS@dhs.wisconsin.gov.
- IRIS Lub Chaw Pab Cuam Kev Hu Xov Tooj ntawm 888-515-4747.